

جريدہ عدلیہ

آتشجی سنہ

۱۲ ربیع الاول ۱۳۳۴ ۲۰ کانون ثانی ۱۳۳۱

نومرو ۱۴۸

صالی

قائمہ عدلیہ

توجہات عدلیہ

ادرنہ استیناف محکمہ سی ریاستہ بتلیس استیناف محکمہ سی رئیس سلیمان فائق و حلب بدایت محکمہ سی ریاستہ طربزون مرکز بدایت محکمہ سی حقوق رئیس یوسف جمال الدین و باش مدعی عمومی معاونان کردن اساق فرہ را افندینک تحویلہ بناء یرینہ درسعات استیناف محکمہ سی مدعی عمومی معاونان کردن دیمتر کی و درسعات استیناف محکمہ سی مدعی عمومی معاونانک کہ بک اوغلی بدایت محکمہ سی مدعی عمومی باش معاونی اسفندیار و بک اوغلی بدایت محکمہ سی مدعی عمومی باش معاونانک کہ اسکدار بدایت محکمہ سی مدعی عمومی باش معاونی حسین عون و اسکدار بدایت محکمہ سی مدعی عمومی باش معاونانک کہ درسعات بدایت محکمہ سی معاونان کردن اخلیا و موصل استیناف محکمہ سی اعضاسندن فہمی زغطوط افندینک و فاتتہ مبنی یرینہ دیار بکرده بولتان بتلیس استیناف محکمہ سی اعضاسندن مصطفی و صفی و حلب استیناف محکمہ سی اعضاسندن رعونی افندینک استعفا سی جہتیلہ یرینہ بتلیس مرکز بدایت محکمہ سی مدعی عمومی عثمان نوری و درسعات بدایت محکمہ سی مدعی عمومی معاونانک کہ معمورۃ العزیز بدایت محکمہ سی مدعی عمومی برہان الدین و اوودہ مش بدایت محکمہ سی ریاستہ اسپر بدایت محکمہ سی رئیس سلیمان مسعود

ومجدداً تشکیل اولنان قات قضاسی بدایت محکمه سی ریاسته طالب تحویل اولان حیانه بدایت محکمه سی رئیس علی رضا و حیانه بدایت محکمه سی ریاسته شیران بدایت محکمه سی رئیس مصطفی فخرالدین و بابا اسکی بدایت حاکم معاونلکنه اضروم استیناف محکمه سی اعضا ملازمی غالب و لالا پاشا بدایت حاکم معاونلکنه اینوز بدایت محکمه سی مدعی عمومی علی رضا ومنجل اولان سلیمانیه بدایت محکمه سی اعضا لکنه بتلیس بدایت محکمه سی اعضا ملازملرندن خلوصی اقدیلر نقل و تمین اولمشدر .

بواراده سنیه نك اجراسنه عدلیه ناظری مأمور .

۱۵ رجب ۱۳۳۴ هـ مایس ۳۳۲

محمد رشاد

عدلیه ناظر وکیل
خلیل
صدراعظم
محمد سمید

* *

بیروت ولایتی استیناف محکمه سی اعضا سندن انطوان شهروب افندینک قعاده سوق ایدلسنه مبنی یرینه محلی صلح حاکم معاونی عبدالوهاب و اینوز بدایت محکمه سی مدعی عمومیلکنه جانیک استیناف محکمه سی اعضا ملازم سابق بلال و کرکوک بدایت محکمه سی مستطقلکنه کر بلا بدایت محکمه سی اعضا ملازمی عبدی وارطغرل بدایت محکمه سی مستطقلکنه صور بدایت محکمه سی مستطقی علی داور و قره سی بدایت محکمه سی مستطقی خلیل رفعت افندینک تحویل مأموریتنه مبنی یرینه دکرلی بدایت محکمه سی مستطقی صالح ذکی واجه طباغ بدایت محکمه سی مستطقلکنه ملاطیه ده بولنان تر جان بدایت محکمه سی مستطقی محمد صبری و سیواس بدایت محکمه سی اعضا ملازملکنه مرزیفونده بولنان لازستان بدایت محکمه سی اعضا ملازمی محمد و صاروخان بدایت محکمه سی اعضا ملازمی محمود ندیم افندینک تحویل مأموریتنه مبنی یرینه تکوش بدایت محکمه سی اعضا لکندن آچقده قالان مصطفی صبحی و یافه بدایت محکمه سی اعضا ملازملکنه محکمه مذکوره باش کاتبی شفیق و خراسان بدایت محکمه سی اعضا ملازملکنه بغداد حقوق مکتبی مأذونلرندن رؤف افندیلر نقل و تعیین اولمش و ملاطیه بدایت محکمه سی مستطقی ایکن اورفه مستطقلکنه تحویل ایدیلن مؤمن افندی مأموریت سابقه سنده ابقا ایدلشددر .

بواراده سنیه نك اجراسنه عدلیه ناظری مأمور .

۱۹ رجب ۱۳۳۴ و ۹ مایس ۳۳۲

محمد رشاد

عدلیه ناظر وکیل
خلیل
صدراعظم
محمد سمید

تلیفات عثمیه

عمریه نظارت جلید سنده ۳۰ مهربانه ۳۳۲ تاریخنده تبلیغ اولنانه تحریرات عمومییه صورته بریدر :

§ شورای دولت ملکیه و معارف دائره سنك قراری صورتیدر .

« مأمورین محاکاتی قانوننک ایکنجه ماده سنده تحقیقات ابتدائیه نك اصول محاکات جزائیه قانونه نوفقاً اجرا ایدیله چکی و التنجی ماده سنده معاملات تحقیقه ده و اتخاذ مقدارنده اشبو قانونده مصرح اولیان خصوصاً صلاحت اصول محاکات جزائیه قانونی احکامنه توفیق حرکت اولنه جنی محرر اولسنه بناءً قانون مذکور بوجبنجه تحقیقات استنطاقیه ده اجرایی مقتضی اولان تحلیف اصولنک مأمورین حقنده کی تحقیقات ابتدائیه ده تطبیق لازم کله چکنک و مأمورین حقنده اجرا قلنسان تحقیقات ابتدائیه اوراقیله تنظیم ایدیلن فذاکله لک و مجلس اداره جه اتخاذ اولنان مقرراتی حاوی مضبطه لک کیفیت تنظیمنده مأمورین محاکاتی قانونه و بونده صراحت اولیان خصوصاً صلاحت اصول محاکات جزائیه قانونه توفیق معامله اولنق لازم کلیرکن بعضاً اشبو لازمه قانونیه رعایت ایدیلدیکی کورلملکده اولدیغندن خصوصات مذکوره ده دخی احکام قانونیه دائره سنده معامله ایفاسی ایجاب ایده چکنک »

مأمورینک وظیفه مأموریتلرندن منبعث جرملرندن طولایی حقلرنده اجرا اولنان تحقیقات ابتدائیه ده تحقیق مأمورلرنجه افاده لرینه مراجعت اولنان شهودک تحلیفی جهتنه کیدلیدیکی و بوافادات غیر محلفه اوزرینه مجلس اداره جه لزوم و یا منع محاکمه قرارلری اتخاذ اولندیغنی تدقیقات واقعه دن آکلاشلدیغندن و حالبوکه نوعی مستطقی صفت و ماهیتی خاثر اولان تحقیق مأمورلری طرفندن استماع اولنه حق شهودک تحلیفی مقتضیات ضروریه قانونیه دن عد اولنق لازم کلیرسه ده بو خصوصده صراحت قانونیه موجود اولیوب مسئله محتاج ایضاح بولندیغندن بحثله اقتضاسنک تعیین و انبایی حقنده قونی و لایتندن وارد اولان تحریرات اوزرینه ملکیه و معارف دائره سنجه اتخاذ ایدیلوب ۲ حزیران ۱۳۳۲ تاریخلی تذکره سامیه ایله تبلیغ اولنان قرار حصول معلومات ایچون بالایه درج و تحریر ایله تعمیماً تبلیغ اولنور .

§ وظیفه عسکریه لرینه دعوت ایدیلن مأمورین و کتبه عدلیه نك مأموریتلرندن انفکا کلرندن اولدور معاملات و تسلیم اوراق معامله سنی اجرا ایتلری اوراق ضیاعدن و قیود و معاملات قلمیه نك انتظام سزلقدن مصونیتی نقطه سندن لازم ایکن بوجهته عطف نظر دقت ایدیلهرک تحت سلاحه دعوت اولنان مأمورین و کتبه نك اویله بر دور و تسلیم معامله سی یا بمقسزین موقع مأموریتلرندن ایرلمقده اولدقلری جریان مخبره دن منظم اولدیغندن و بو ایسه بعضاً اوراق ضیاعنی انتاج ایده بیله چکی بالخاصه قیود و معاملات قلمیه نك تشوشنی دخی موجب اولمقده بولندیغندن بعدما سلاح التنه دعوت اولنه حق مأمورین و کتبه یه مودوع اوراق

وسائرہ نك خلفیہ ویاخود ایجاب ایدلرہ منتظماً دور وتسلیمنہ دقت واعتنا اولنسی لزومی هیئت تفتیشیه ریاستی وکالت علیہ سنك مذکرہ سی اوزرینہ تعمیماً تبلیغ اولنور .

محکمہ تمیز مقرراتی

محکمہ تمیز هیئت عمریہ سنورہ صادر اولوب ۱۱ شباط ۳۳۱ تاریخندہ قرارہ ربط اولنانه اعلام صوریندر :

« جنبه موادندہ مظنونك ذاته ویا اقامتگاهنه جلبنامه تبلیغیه محكمه یه دعوت ایدیلرہك دعوتہ اجابت

ایتمه دیکی تقدیرده حقندہ حکم غیابی ویرلك وجنایاتده دخی اصول محاکمات جزائیہ قانونك

فصل مخصوصندہ محرر مواد قانونیه موجبجه ایفای معامله اولونقی لازمدر . »

لازستان سنجانغی بدایت محكمه سی جزا دائرہ سندن صادر اولان ۱۷ محرم ۳۳۴ و ۲۲ تشرین ثانی ۳۳۱ تاریخلی و آلتی نومرولی اعلامك تمیزاً تدقیق حقندہ محكمه مذکورہ مدعی عمومیلکندن مدت قانونیه سی ظرفندہ معطی استدعایامه ایله اوراق متفرعه سی باش مدعی عمومیلک مأموریت علیہ سندن ۲۷ ربیع الاول ۳۳۴ و ۲۰ کانون ثانی ۳۳۱ تاریخلی و اوچ بیک طقوزیوز قرقیدی نومرولی تبلیغنامه ایله محكمه تمیز جزا دائرہ سنہ کوندرلکله عائدیتی جهتیه هیئت عمومیه جه بالتدقیق اعلام اخیر مذکورك اصراری حاوی اولوب اولمادیبی وجنجه حکملری حقندہ غیباً صادر اولان اصرار قرارلرینك محلی مدعی عمومیه سی طرفندن تمیزی استدعا ایدیلوب ایدلیه جکی وجنایتله اتهام اولنان اشخاصك عندالحاکمه ثابت اولان فعللری جنجه درجه سنده کوریلرہك اولوجهله لاحق اولان حکم عندالتمیز نقض اولندیفی صورتنده اخیراً جریان ایدله جک محاکمه نك اصول محاکمات جزائیہ قانونك جنایت ویا جنجه فصللرندن هانکیسنه توفیقاً رؤیت ایدیله جکی جهاتی موقع موقع مذاکره یه وضع اولنهرق اعلام مذکورك اصراری محتوی اولدینی و غیابی اولسه بیله جنجه حکملرینك محلی مدعی عمومیه سی طرفندن تمیزاً تدقیق استدعا اولنہ بیله جکی متفقاً وجرمك جنایت درجه سنده اولدیغه دلالت ایدن احوالك موجودیتی اعتباریه نقض اولنان جنجه حکملرینك نقض واقعه اتباعه قرار ویرلنجه یه قدر جریان ایدله جک محاکمه نك قانون مذکورك جنجه فصلنه توفیقاً رؤیت ایدلك لازم کله جکی اکثریتله تحت قراره آلدقدن صکره اوراق دعوی مطالعه اولندی .

اعلام مذکورك خلاصه مالی خوپه قضاسنك صورہ قریه سندن ملا عمر اوغلی رمزی بن مرتضای قتل قصدیه جرح ایدلیکی ادعا قائمه سندن طولای جنایتله اتهام اولنان قصاب اوغلی رضا بن حسینك اجرا قلنان محاکمه سی نتیجه سنده متهم مرقومك عادیا جرحدن عبارت اولهرق ثابت اولان فعلی جنجه درجه سنده کورلکله اولوجهله فاعله و قانون جزانک یوزیتمش سکنرنجی و حین ایقاع جرمدہ اون بش یاشنی اکمال ایتماش

اولسی جهتیه ده قرقنجی ماده لرینہ تطبیقاً تعیین اولنان بر یحقی سنه حبس جزاسنك ثنی اولان آلتی ماه مدته حبسنه واکمال مدت ایتدیکی آکلاشلماقلا اخلائی سیلنه دائر مقدمات ویریلان اعلام عندالتمیز فعل مذکورك ایقاعنده استعمال اولنان سلاحك آلت ناریدن اولسی وبرقیز مسئله سندن طولای سائقه خصوصتله مکرراً انداخت ایدلیکنك آکلاشلماقلا کی قتل قصدینه دلالت ایدن احواله قارشو مرهینك مجروح مرقومك قالجیه سی کبی ضررسز بر موقعه اصابت ایتمش اولدینی بیانیله بر منوال محرر جنجه قراری اتخاذهی مخالف قانون بولندیغندن ناشی نقض اولنهرق اوراقنك اعاده قلمنه سنه وقصبه مذکورہك دشمن طرفندن استیلا اولنسی اوزرینہ مرقوم دخی اورادن هجرت ایتمش والیوم زده ده بولندیفی آکلاشیه مامش اولسنه مبنی بوکره غیباً جریان ایدن محاکمه سی نتیجه سنده مذکور حوالیده سلاح طاشیمق عادت حکمندہ اولوب الك عادی منازعاتده بیله روولور استعمال ایدلیه کلکده اولسنه مبنی جرح واقعت روونورله ایقاعی صورت قطعیه ده قتل قصدینه دلالت ایدله میه جکندن و مکرر آتشلی اولان مذکور سلاحك تکرار استعمالنه مانع یوق ایکن بردفعه انداختیه اکشفا ایدلمش اولدیغندن وجرمك بر قیز مسئله سندن متولد سائقه خصوصتله ایقاع ایدلیکی ادعا اولندیفی حالده وقعیه یی کورن اولماسنه کوره اثنای حادثه ده منازعه وقوعی احتمالی سالب وجرمك تصور وتصمیم نتیجه سی اولدیغنی مثبت ادله مقنعه یه دسترس اولنہ مادیغندن بمحله حکم سابقده اصراره قرار ویرلدیکندن عبارتدر . محلی مدعی عمومیلکدن لایحه تمیزیه سنده دخی استعمال اولنان سلاحك آلت ناریه اولسی وسائقه خصوصتله مکرراً انداخت ایدلیکنك آکلاشلماقلا کی قتل قصدینه دلالت ایدن احواله قارشو محكمه جه مرهینك مجروح مرقومك قالجیه سی کبی ضررسز موقعه اصابت ایتمش اولدینی بیانیله جنجه درجه سنده اعطای حکم اولنسی مخالف قانون اولدیغه دائر سرد اعتراضله اعلام مذکورك نقضی استدعا قلمشدر .

سالف الذکر تبلیغنامه ده دخی فعل مدعا بهك آلت ناریه استعمالی وانداختنك تکرری صورتیه ایقاع ایدلمش اولسی کبی احواله نظرآ مسئله ده قتل قصدینك شایان تأمل اولدیغنی اخطاره معطوف اولان نقض واقع دائرہ سنده معامله ایفاسی اقتضا ایتدیکی حالده قرار سابقده اصرار ایدلمسی مخالف قانون اولوب بو جهتی متضمن اولان لایحه مندرجاتی ده وارد وبجا بولنش اولدینی بیانیله اعلام اخیر مذکورك ده نقضی طب قلمشدر . تدقیقات تمیزیه اجرا اولندقدہ جنجه موادندہ مظنونك ذاته ویا اقامتگاهنه جلبنامه تبلیغیه محكمه یه دعوت ایدیلرہك دعوتہ اجابت ایتدیکی تقدیرده حقندہ حکم غیابی ویرلك وجنایاتده دخی اصول محاکمات جزائیہ قانونك فصل مخصوصندہ محرر مواد قانونیه موجبجه ایفای معامله اولونقی لازم کلیرکن محكمه محلیه جه اشبو معاملاتدن هیچ بریسنه توسل ایدلیه رك مرقوم رضانك زده ده بولندیفی آکلاشیه مادیغندن بمحله حقندہ کی حکم سابقده غیباً اصرار ایدلمسی مخالف قانون بولندیغندن اعلام اخیر مذکورك دخی اصول محاکمات جزائیہ قانونك اوچیز اون دردنجی ماده سنه توفیقاً نقضیه اوراقنك محله اعاده سنه ۱۱ شباط ۳۳۱ تاریخندہ متفقاً قرار ویرلدی .

محکمہ نمیز هیئت عمومی مندره صادر اولوب ۲۵ شباط ۳۳۱ تاریخ مندره قراره ربط اولانده اعلام صورتیبر:
« قتل فعلنده میدانده مقتول اولماسنه و تعقیب ایدن بر کیمسه نك بولما یی ده آ کلاشمش اولسنه بنا ایدیلن
و توسیع تحقیقات لزومی متضمن اولان نقض سابق او رینه اصرار قراری ویرلمسی مخالف قانوندره.»
بارطین لوا بدایت محکمه سی جزا دائره سندن صادر اولان ۱۱ تشرین ثانی سنه ۳۳۱ تاریخلی ویتش
آتی نومرولی اعلام ایله متفرعاتی باش مدعی عمومیک مأموریت علیه سندن ۲ ربیع الآخر سنه ۳۳۴ و ۲۴-
کانون ثانی ۳۳۱ تاریخلی ودرت بیک یتشیدی نومرولی تبلیغنامه ایله محکمه تمیز جزا دائره سنه کوندولمکه
عائدتی جهتیله هیئت عمومی جه بالتدقیق اصراری محتوی اولدینی متفقاً تحت قراره آلدقدنصکره
مطالعه اولندی .

اعلام مذکور خلاصه مالی برای تجارت زونفولداقده بولنان وهر درلو تحقیقاته رغماً جسدی بولنه-
مدیغندن هویتی آ کلاشیله میان بر شخص مجهولی سپاهیلر قریه سنه کتوروب پاره سنه طمعاً قتل و نعلشی
اخفا و بشه محمد زاده محمد افندینک اوطه سندن و کھیا اوغلی ملا محمد خان سندن اشیا سرقت ایتک
ماده لرندن طولانی جنایتله اتهام اولنان چتیل اوغلی شا کر بن سلیمان و عزیز اوغلی حسینک اجرا قلنان
محا کملری نتیجه سنده شا کرک مهوراً قتل و عادیاً سرقت فعللرینه جرأتی و حسینک دخی قتل مذکورده
فرعاً ذیمدخل اولدینی ثابت اولدیغندن اولوجهله مجرمیتلرینه و شا کرک قانون جزانک یوز یتش
دردنجی ماده سنه تطبیقاً اون بش و حسینک دخی قانون مذکورک قرق بشنجی و یوز یتش دردنجی ماده لرینه
توفیقاً و تنزیلاً اون سنه مدتلرله کورکه قوللرینه دائر ایکنجی دفعه ویریلان اعلام دخی عندالتمیز اعلام
سابق اسباب نقض سندن بری ده مقتولک تجارتدن اولسی اعتباریله شخص و هویتی زونفولداقجه معلوم
و معروف اولسی لازم کله چکنه کوره اوجوارده یرلی و یبانهجی اولق اوزره فعل قتلك ایقاع اولدینی
صره ده تعیب ایتش کیمسه اولوب اولدیغنک تحقیق و تدقیق صورتیله شخص مجهولک هویتی حقنده توسیع
و تعمیق تحقیقات اولنسی لزومه رعایت اولندیغنه متدائر بولنش ایکن بویولده توسیع تحقیقات اولنیه رق
اسکی مخبراتی ناطق بعض تلغرافنامه لک قرائتیه اکتفا اولنسی مخالف قانون اولسندن ناشی نقض اولنه-
رق اوراقلک اعاده قلمسی اوزرینه بوکره جریان ایدن محاکمه نتیجه سنده یالکز اوراق مخبره نك قرائتیه
اکتفا ایدلش اولیوب تکرار محندن کیفیت استعمال و تحقیق ایدلش و اسباب ثبوتیه ده بر تفصیل اراده
اولنش اولدیغندن بختله حکم سابقده اصراره قرار ویرلایکندن عبارتدر ذکر اولنان تبلیغنامه ده دخی مقتولک
تجارت مقصدیله طولاسمقده اولسی اعتباریله شخص و هویتی زونفولداقجه معلوم و معروف اولسی لازم
کلوب شو حالده او جوارده یرلی و یبانهجی اولق اوزره فعل قتلك ایقاع اولدینی صره ده تعقیب ایتش
کیمسه اولوب اولدیغنک تحقیق و تدقیق صورتیله شخص مقتولک هویتی حقنده توسیعاً تدقیقات اجرا اولنماسندن
عبارت بولنان نقض واقع محلی قائم مقامغندن وارد اولوب ضبطنامه ده مندرج بولنان جواب مؤداسنه نظراً

وارد و نقطه نقض وجهله ایقاع معامله لابد اولدینی حالده اصرار قراری ویرلمسی قانونه مغایر اولدینی بیانیله
اعلام اخیر مذکورکده نقضی طلب اولنمشدر.

تدقیقات تمیزیله اجرا اولندقدده میدانده مقتول اولماسنه و تعیب ایتش بر کیمسه بولنادینی ده جریان ایدن
مخبراندن اکلاشمسنه نظراً توسیع تحقیقات لزومی متضمن اولان نقض سابق وارد و لازم الاتباع اولدینی
حالده اصرار قراری ویرلمسی مخالف قانون بولندیغندن اعلام اخیر مذکورک دخی اصول محاکمت جزائیله
قانوننک اوجیوز اون دردنجی ماده سنه توفیقاً نقضه و احکام قانونیه دائره سنده ایقاع معامله اولنق اوزره
اوراقلک محله اعاده سنه وایکیوز غروش خرج اعلامک ایلروده حقسنر چیقه جق طرفدن تحصیلنه ۲۵ شباط
سنه ۳۳۱ تاریخ مندره متفقاً قرار ویرلیدی

محکمہ نمیز هیئت عمومی مندره صادر اولوب ۲۱ یسانه ۳۳۲ تاریخ مندره قراره ربط اولانده اعلام
صورتیبر :

« منازع فیه عقار، مسقات، موقوفه دن ایسه اذن متولی لاحق اولقسزین میانه سندیه آ خره فراغی معتبر اولمایاجنی کبی
الاک صرفه دن بولدینی حالده بو قبیل سندات خصوصیه ایله وقوع بولان مبايعاتک ممنوعیتنه دائر صادر اولان اراده
سینک ماقبلنه شمول ویا عدم شمولی محتاج تدقیقدر .»

مالیه خزینیه سیله قونیه قصبه سنک کورجکی محله سنده مقیم متوفی خواجه عبدالله ترکانی خدومی اسکندر
افندی میانه سنده متکون دعویاه دائر قونیه استیناف محکمه سندن ۲۷ شباط ۳۳۱ تاریخلی ویکرمی اوج
عددی ایله ویریلوب خزینیه مشارالیه وکیلی طرفندن تمیزی استدعا قلنان اعلام حکمنک باش مدعی عمومیک
مأموریت علیه سنک مطالعه نامه سی آلدقدن صکره اول امرده بالتدقیق قرار سابق منقوضده ثبات
واصراری متضمن اولدینی اتفاقله قرارگیر اولسیله اعلام مذکور طرفینک اعتراض و جواب لایحه لرله
برابر هیئت عمومی جه مطالعه و تدقیقات لازمه اجرا قلندی .

اعلام مزبور مندرجاتنه نظراً : مومی الیه اسکندر افندینک اوج یوز اوج سنه سنده بر قطعه میانه
سندیه پدری متوفای مرقوم عبداللهدن شراء متصرف اولدینی محله مذکورده کائن و حدودی معلوم
بر باب خانه نك نصف حصه سنه بایع مرقومک مالی ظنیله دین میریسندن طولانی خزینیه مشارالیه طرفندن
فضولی وقوع بولان مداخله نك منی حقنده اقامه ایلدیکی دعوانک اجرا قلنان محاکمه و تدقیقاتی نتیجه سنده
مدعی مزبورک بوجه ادعا حصه مذکورده تصرفه اولبایده استماع قلنان شهود معده شهادتیه ثابت اولدینی
کبی مدعی مزبور استظهاراً تحلیف دخی ایدلش اولسنه منی مداخله و افعه نك منعه و حجز موضوعک
نکنه دائر بدایت صادر اولان اعلامک استینافاً تصدیقی متضمن ویریلان اعلام تمیزاً بالتدقیق مذکور
خانه نك قید رسمیسی دفتر خاقانیدن استعمال ایدیلرک بایع عهده سنده مقید اولدینی آ کلاشیلور ایسه قید

رسمی به قارشی شهود شخصیه استماعی غیر جائز بولمسندن طولانی نقض و اعاده ایدلمسی اوزرینه تکرار جریان ایدن محاکمه و تدقیقات نتیجه سنده مدعینک ادعایی اوچ یوز اوچ تاریخی میانه سندینه مستند بولمسی و اموال غیر منقوله نك بو مثللو سند ایله بیع و فروختی خصوصنک ممنوعیتته دائر اوچ یوز اون سکرز سنده صادر اولان اراده سینه نك ماقبله شامل اولامامسی حسینله کیفیتک قید رسمینک استعلامنه محتاج اولان مسائلدن بولنامسینه بناءً نقض واقع لازم الاتباع اولمادیغی بیانیله قرار سابق منقوضده اصرار اولمادیغی آکلاشلمشدر .

مستدعی تمیز خزینه وکیلی طرفندن ویریلان لایحه ده محکمه تمیزک نقض واقعی لازم الاتباع اولمادیغی حاله محکمه استینافیه جه بروجه محرر اصرار اولمسی یولسز ایدوکندن بختله اعلامک نقضی و لایحه جوابیه ده دخی اعتراضات مسروده نك غیر وارد ایدوک بیانیله ردی و موافق اصول و قانون اولان اعلام مذکورک تصدیق طلب و استدعا ایدلمش و مطالعه نامه مفادی ایسه نقض قرارینک مستند اولدیغی اسبابه نظراً قرار میز بهک مخالف قانون ایدوک مرکزنده بولمشدر .

ایجاب کیفیت مذاکره اولدوقده : خصوص مدعی هر نه قدر بروجه مشروح حکم و قراره ربط اولمش ایسه ده منازع فیه عقار مسقفات موقوفه دن بولمادیغی حاله اذن متولی لاحق اولمقسزین میانه سندیه آخره فراغی معتبر اولیه جغه و املاک صرفه دن بولمادیغی حاله بو مثللو سندات خصوصیه ایله وقوعبولان مبايعاتک ممنوعیتته دائر اوچ یوز اون سکرز سنده صادر اولان اراده سینه نك ماقبله شمولی اولوب اولمادیغی قبول اولمادیغی حاله تاریخ سندک صحتی شهود ایله اثبات ایدیلوب ایدلیه جکی محتاج تدقیق مواددن بولمادیغی بناءً منازع فیه عقارک ملک و یا خود وقف اولدیغی حقنده تحقیقات اجراسیله تبیین ایده جک حاله کوره قرار اتخاذای اقتضایدر ایکن بویولده تدقیقات اجراسندن ذهول ایدلمش بولمسی مخالف اصول و قانون بولمغله اصول محاکمه حقوقیه قانوننک ایکی یوز قرق برنجی ماده سی موجبجه اعلام مذکورک تفضیله قانون مزبورک ایکی یوز قرق طقوزنجی ماده سی حکمنه توفیقاً کیفیتک بالرؤیه اعلامه ربطی ضمنده محکمه مذکوره ده اعاده سنده وزیرده مفرداتی و معطیسی محرر مصارف تمیزیه نك ایلروده حقسز چیه جق طرفه عائد اولمسنه ۲۱ نیسان ۳۳۲ تاریخنده اتفاقله قرار ویرلدی .

محکمات استماعی اوزرینه

محکمات تمیز استماعی اوزرینه صادر اولوب ۲ قانونه تالی ۳۳۱ تاریخنده قراره ربط اولنامه اعلام صورتیه : « برایشک تحقیقات استنطاقیه سنی اجرا ایدن مستنطق قرارنامه تنظیم و اعطا ایله دیکی صورتده ، اوایش حقنده کی محاکماتده اعضا صفتیه بولنه ماز . »

صاروخان سنجایی بدایت محکمه سی جزا دائره سندن استینافاً صادر اولان ۱۰ جزیران سنه ۳۳۱ تاریخ

و بکرمی بش نومرولی اعلامک تمیزینی مستدعی محمد چاووش و شریف علی طرفلرندن مشترکاً ویریلن استدعانا مه و متفرعاتی باش مدعی عمومیک مأموریت علیه سندن باتلیغنامه محکمه تمیز استدعا دائره سنده تودیع اولمش ولدی التدقیق مذکور استدعانا مه نك مدت قانونیه سی ظرفنده اعطا و شرائط لازمه سائر سندرک دخی ایفا قلدینی آکلاشلمش ایدوکندن بالقبول تدقیقات تمیزیه اجراسنه ابتدار اولنور .

اعلام مذکورک خلاصه مالی احمدی اجرای وظیفه حانده ضرب ایدلکری ادا اولنسان ژاندارمه اونباشیسی مستدعی محمد چاووش و شریف علینک برر آی حبسلیرینه و اوچر آی رتبه و مأموریتلرندن محرومیتلرینه دائر بدایه لاحق اولان حکمک عندالاستیناف اولبایده کی ادعانک ردیه موافق اصول و قانون اولان حکم ابتدائی مذکورک تصدیقه قرار ویرلدیکنی متضمندر .

لایحه تمیزیه ده یقایی وظیفه ایدلکری ائشاده مظلوم ک کندولرینه تجاوازتده بولندقرینی اثبات ایده . جکریته دائر اراده ایدلکری شهودک جلب و استماع ایدلمقسزین محکومیتلری جهته کیدلمسی مغایر قانون ایدوکندن بختله اعلام استینافینک نقضی استدعا اولمش و تبلیغنامه ده دخی مرقومانک استیناف لایحه لری مدعی عمومی حابندن اعضا اولنان استیناف استدعاسنده محرر اسباب استینافیه نك قرار محلنده تدقیقه غیر وارد اولدقرینه عائد علل و اسباب موجب نك علی الانفراد ذکر و تصریحی اقتضا ایتدیکی حاله محکمه جه لزوم مذکوره رعایت ایدلمه سی مستلزم نقض احوالندن بولمش و لایحه مندرجات بو جهتی متضمن کورلمش اولمغله اعلام میز بهک سبب مذکوره بناءً نقضی طلب ایدلمشدر .

ایجاب کیفیت لدی المذاکره احمدک کیفیت ضربندن طولانی بدایه اوچر ماه حبس جزاسیله محکوم ایدیلن محمد چاووش ایله شریف علی طرفندن حکم مذکور علیه اقامه اولنان استیناف دعواسنک اسباب موجب سنی حاوی اولق اوزره اعطا ایدلکری لایحه ده اولجه بوایش حقنده مستنطق وظیفه سنی ایفا ایتمش اولان ذاتک درجه اولی محکمه سنجه سبق ایدن محاکماتده هیئت حاکمه میاننده بولمادیغی دائر سرد اعتراض ایدلمش و اخیراً موقع تطبیقه وضع اولنان ولایت تشکیلات عدلیه سنجه اجرا قلنه جق تعدیلات حقنده کی قانونک بشنچی ماده سندرک برایشک تحقیقات استنطاقیه سنی اجرا ایدن مستنطق قرارنامه تنظیم و اعطا ایدلیکی صورتده محکمه جه سبق ایده جک محاکماتده اعضا صفتیه بولنه مایه جفی محرر بولمش اولمسنه نظراً اعتراض مذکور صحتی حالنده مستلزم فسخ خطیئات قانونیه دن ایکن محکمه سنجه کیفیتک وظیفه اصلیه دائره سنده تدقیق لزومندن ذهول ایدلمسی یولسز اولدیغی کی بدایت محکمه سنجه کیفیتک وظیفه اصلیه دائره سنده تدقیق تحت قراره الهرق حقوق عمومی مأمورینک حضوریه اجراسنه ابتدار اولنان محاکمات ائناسنده اولجه صلح قانونه توفیقاً متشکل هیئت حضورنده استماع ایدلمش اولان شهودک تکرار مأمور مومی الیهک حضورنده استماعی لزومندن ذهول ایدلمسی کی واقع اولان خطیئاته عطف نظر دقت اولنقسزین بروجه محرر قرار اعطاسی یولسز و مغایر قانون اولمغله اصول محاکمات جزائی قانوننک اوچ یوز اون دردنچی و اوچ یوز اون طقوزنجی

ماده لری موجبیه اعلام میز بهک نقضه وایکوز غروش اعلام خرجنک تعرفه و تعلیمات مخصوصه سنه توفیقاً ایلروده حقسز چیه حق طرفدن اخذینه ۲۵ کانون ثانی سنه ۳۳۱ تاریخده متفقاً قرار ویرلدی .

حکم تمیز استماع دأره سنه صادر اولوب ۲۳ ثانیه ۳۳۱ تاریخده قراره ربط اولناه اعلام صوریندر:

« بر مبلغ قرض صورتیه آلدینی ثابت اولمادی و بالعکس کتم وقوعی تحقق

ایتدیکی حالده قانون جزانک ماده مخصوصه سی موجبیه امنیتی سؤ استعمال جرمک

مشکل اولوب اولمادی تدقیق ایدیلرک کیفیتک قرار قانونیه ربطی لازمدر . »

آیدین ولایتی استیناف محکمه سی جزا دأره سنندن صادر اولان ۱۷ تشرین ثانی سنه ۳۳۱ تاریخ وایکوز اوچ نومرولی اعلامک تمیزینی مستدعی محکمه مذکوره مدعی عمومیلکی طرفندن ویریلن عرضحال و متفرعاتی باش مدعی عمومیلک مأموریت علیه سندن باتبلیغنامه محکمه تمیز استماع دأره سنه تودیع اولمغله لدی التدقیق مذکور استدعایه نك مدت قانونیه سی طرفنده ویرلیدی اکلایشلش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی قیوجی قالوست اسپارطه لیان ایله قره بت زوجیه سی بربرانی طولاندریدی ادعاسیله مظنون علیه اولان پناویوطا کینک تحدید جزاسنه دأر بدایه لاحق اولان حکمک عندالاستیناف فتحیله جریان ایدن محاکمه سی نتیجه سنده تاقوهی بربرانک اوچ لیراسنی اخذ ایلدیکی اکلایشیه مدیغندن مرقومک بو جهتدن برأتنه و انجق دیگر مشتکی قالوستک کندیسنی عسکرون قورتارمق ایچون حیل و دسیسه استعمالیه سکر لیراسنی طولاندریدی مرتبه ثبوت واصل اولسندن ناشی قانون جزانک وایکوز اتوز اوچنجی ماده سی حکمنه توفیقاً اوچ آی مدله حبسنه و بر مجیدیه التونی جزای نقدی ایله محکومیتیه و طولاندریدی ثابت اولان سکر لیرانک کندیسندن بالتحصیل قالوسته اعطاسنه قرار ویرلیدی متضمندر . تمیز استدعایه سنده مبلغ مذکوری قرضاً سند مقابلنده اخذ ایلدیکی شهودک اخباراتیه ثابت ایکن بر منوال محرر قرار ویرلسنک مغایرت قانونیه سندن بحثله اعلام مذکورک نقضی استدعا اولنش و تبلیغنامه ده دخی مظنون مرقوم پناویوطک مدعی قالوستدن آلمش اولدینی سکر لیرانک سبب اخذی حقنده شاهد ارمناک ایله بربرانک افاده لری آره سنده موجود مبیانک مرقومانک اجرای محاکمه لری صورتیه تدقیق وحلی جهته کیدلمک و مظنون مرقومک نه کی حیل و دسائس اعمالیه مرقوم قالوستی اغفال ایلدیکی بالاطراف ذکر و تفصیل قلنمق مقتضی ایکن ذهول اولنش و لایحه تمیزیه مؤداسی شو صورتله وارد کورلش اولمغله مذکورک اعلامک نقضی طلب اولمشدر .

ایجاب کیفیت لدی المذاکره مظنون علیه پناویوطه عطف و اسناد اولسان جرم مدعی شخصی قالوست طرفندن بدل عسکری اولمق اوزره کندیسنه تسلیم اولنان سکر لیرای اعاده ایتماک ماده سندن عبارت

بولنش و مظنون مرقوم دخی مبلغ مذکورک کیفیت اخذینی اقرار و اعتراف ایدوب انجق باسند قرضاً ایلدینی معرض مدافعه ده درمیان و پاره نك تعاطی اولدینی دکان صاحبی دخی مبلغ مزبورک بدل عسکری اوله رق ویرلیدیکی بیان و اتیان ایش اولسنه نظراً ایشده طولاندریجیلق جرمی موجود اولمایوب انجق بالتتحقیق مذکور پاره نك مظنونک ادعاسی وجه ایله قرض صورتیه لندی ثابت اولمادی و بالعکس کتم رفوعی تحقق ایتدیکی حالده قانون جزانک وایکوز اتوزالتنجی ماده سی موجبیه امنیتی سؤ استعمال جرمک مشکل اولوب اولمادی تأمل و ملاحظه اوله رق کیفیتک بر قرار قانونیه ربطی مقتضی ایکن محکمه استینافیه صور مشروحه دأره سنده ایفای معامله لزومندن بالذهول مظنون مرقومک حرکت مسروده سنک طولاندریجیلق شکلنده قبول و تلقیسی صورتیه بروجه محرر محکومیتی جهته کیدلمی یولسز و مغایر قانون کورلکسندن اصول محاکمات جزائییه قانوننک اوچوز اون دردنجی و اوچوز اون طقوزنجی ماده لری منظوقیه اعلام میز بهک محکومیه متعلق فقره حکمیه سنک نقضه وایکوز غروش اعلام خرجنک بالاخره ایجاب ایدن طرفدن اخذینه ۲۳ کانون ثانی سنه ۳۳۱ تاریخده متفقاً قرار ویرلدی .

حکم تمیز استماع دأره سنه صادر اولوب ۱۵ سباط ۳۳۱ تاریخده قراره ربط اولناه اعلام صوریندر:

« حضور حاکم غیریده سبق ایدن اقرارک معتبر اولماسی کیفیتی مواد حقوقیه ده

جاری بر قاعده قانونیه اولوب بونک مسائل جزائییه ده جریانی حقنده صراحت

قانونیه موجود دکلدور . »

آیدین ولایتی استیناف محکمه سی جزا دأره سنندن صادر اولان ۱۱ کانون اول سنه ۳۳۱ تاریخلی اعلامک تمیزینی مستدعی مدعی شخصی یا نقو پناویوطو یلو طرفندن ویریلن استدعایه و متفرعاتی باش مدعی عمومیلک مأموریت علیه سندن باتبلیغنامه محکمه تمیز استماع دأره سنه تودیع اولمغله لدی التدقیق مذکور استدعایه نك مدت قانونیه سی طرفنده اعطا و شرائط لازمه سائر سنک دخی ایفا قلندیکی اکلایشلدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی مستدعی یا نقونک قاصه سندن اچهرینی سرقت ایلدیکی ادعا اولنان پاسقالک تمیز جزاسنه دأر بدایه لاحق اولان حکمک عندالاستیناف اسباب قانونیه دن طولای فسخیله سبق ایدن محاکمه و تدقیقات نتیجه سنده مظنون مرقومک بش ماه هر کون اوچرالتیشر لوژ سرقت ایلدیکی اقرار ایش ایشده بو اقراری شهادتله تأید ایتهمش و بدایه استماع ایدیلن شهود یکدیگرینه مخالف شهادتده بولنه رق مستأنف مرقومک یالکز یوزیکرمی لیرا سرقت ایتدیکنه دأر اولان اقرارینی بیان ایش و بدایت محکمه سنده حضور حاکمه سبق ایدن اقراری ایشه یوز التمش ایکی لیرا اون طقوز لوزی اخباردن عبارت بولنش اولدیغندن بونکله مؤاخذه سی درکار وجهات سائریه تعلق ایدن مدافعات مردود بولنش اولدیغندن

زیاده اعدادن طولانی محکمه عاذه سینه مراجعت حتی باقی قالمق اوزره ردینه و غیر از اعاده یتش الی لیرا اون طقوز لوزک مستأنف علیه مرقوم یاسقالدن بالتحصیل مستأنف اعاده سینه قرار ویرلدیکی متضمندر لایحه تمیزیده مظنون مرقوم کندوسنک ایکی بیک لیراسنی سرقت ایلدیکی دائرة استنطاقده و تحقیقات ابتدائیه و وقوعبولان اقرارلریله ثابت ایکن بورالری نظر دفته التفسیرین واولبابده درمیان ایلدیکی ادعا ومدافعاتک تدقیق ایدلمکسزین بلااسباب قانونیه رویته قرار ویرلمسی مغایر قانون ایدوکنندن بخله اعلام استینافینک نقضی استدعا اولمش وتبلیغه مهده دخی مظنون علیک استنطاقنامه نك برنجی صحیفه سنده مضبوط افاده سی بش آی متبادیاً یومیه اوچ الی الی لیرا سرقت ایلدیکی متضمن واشبو افاده مضبوطه سی دخی بدایه استماع اولنان حقوق عمومیه شاهدلری محضرنده سبق ایدن اقرار ایلده مؤید اولوب بناءً علی ذلك حد اصغری اوله رق درتیوز الی لیرا راده سنده بر مبلغ سرقت ایلدیکی رهین مرتبه ثبوت اولدینی حالده شاهدلرک افاداتی بیننده کی مسابیتدن وسائرردن بخله مدعی شخصینک سالف الذکر مطالبنک ردینه قرار ویرلمسی مخالف قانون بولمش وتمیز لایحه سنک بوجهته متعلق مندرجاتی وارد وسبب نقضه مستند کورلمش اولمغله اعلام میز بهک نقضی طلب ایدلمشدر .

ایجاب کیفیت لدی المذاکره محکمه استینافیه جه بالاده محرر اسبابه استناداً بر وجه محرر قرار ویرلمش ایسه ده حقوق عمومیه دعواسیله برلکده اقامه ایدیلن حقوق شخصیه دعواسنک محاکم جزائیه جه فصل ورؤتی اصول محاکمات جزائیه قانوننک اوچنجی ماده سی حکمی اقتضاسندن اولدینی کبی حضور حاکمک غیریده سبق ایدن اقرارک معتبر اولماسی کیفیت دخی مواد حقوقیه ده جاری بر قاعده قانونیه اولوب بونک مسائل جزائیه ده جریانی حقیقه بر صراحت قانونیه غیر موجود اولمسنه نظراً جهت جزائیه متعلق خارجاً وقوعبولان اقرارک معتبر ومدار استناد اوله جفی درکار بولمش ایکن محکمه استینافیه جه مظنون مرقوم یاسقالتک انشای تحقیقات استنطاقیه سبق ایدن اقرارینک عدم مقبولیتدن بخله مدعی شخصینک فضله ادعاسندن طولانی محکمه حقوقه مراجعتده مختاریته قرار ویرلمسی یولسز ومغایر قانون اولمغله اصول محاکمات جزائیه قانوننک اوچوز اون دردنجی و اوچوز اون طقوزنجی ماده لری منظوقته اعلام میز بهک نقضه و محلی مال صندوقه تودیع اولنان بش لیرا تمیز جزای تقدیسنک مستدعی اعاده سینه وایکیوز غروش اعلام خرجنک ایلروده حقسز چیه جق طرفدن اخذینه ۱۵ شباط سنه ۳۳۱ تاریخنده متفقاً قرار ویرلدی .

محکمه تمیز جزا دایره سی مقرراتی

محکمه تمیز جزا دایره سنره صادر اولده ۲۸ مارت ۳۳۲ تاریخلی ۳۳۱ نومرولی اعلام صورنیمه :

« جرمک جبر مادی به مقارن اولارق ایقاع ایلدیکنک اسباب ودلائلی قرار مجرمیده توضیح ایدلمک لازمدر . » اسکیشهر سنجاجی بدایت محکمه سی جزا دایره سندن صادر اولان ۸ جاذی الاول ۳۳۴ و ۲۹ شباط

۳۳۱ تاریخلی وسکسان ایکی نومرولی اعلام ایله اوراق متفرعه سی باش مدعی عمومیک مأموریت علیه سنک ۲۸ جاذی الاول سنه ۳۳۴ و ۲۰ مارت سنه ۳۳۲ تاریخلی و یوز قرق الی نومرولی تبلیغنامه سیله ۲۱ مارت مارت سنه ۳۳۲ تاریخنده محکمه تمیز جزا دایره سنه تودیع قلمشدر .

اعلام مذکورک خلاصه مالی اوچوز اوتوز بر سنه سی آغستومی ظرفده اسکیشهرک فراجیه محله سندن حاجی سلیم اوغلی عزت اقدی به جبراً فعل شیع اجرا ایلدیکری ادعاسیله اتهام اولنان اسکیشهرک یکی محله سندن عبدالسلام اوغلی یعقوب چاوش وولی اوغلی مراد واحسانیه محله سندن قهوه چی سلیمان اوغلی احمد وحاجی علی بک محله سندن بالقجی صالح اوغلی یونس وحاجی محمد اوغلی علینک اجرا قلنان محاکمه لری نتیجه سنده متهمون مرقومونک اون بش یاشنده بولنان مرقوم عزت اقدی به جبراً فعل شیع اجرا ایلدیکری ثابت اولدیغندن مجرمیتلرینه وحرکتلرینه توافق ایدن قانون جزانک یوز طقسان یدنجی ماده سنک فقره نایسنه توفیقاً یدشمر سنه مدته کورکه قونلرینه وبولردن قهوه چی سلیمان اوغلی احمدک حین ایقاع جرمده اون سکز یاشنی اکمال ایتامش اولسی جهتیه قرقجی ماده قانونیه موجبجه مذکور کورک جزاسنک نفسی اولان اوچ بچق سنه مدته حبسه تحویلنه و بش سنده ضابطه جه کفالت آلتنه آلتسنه ۸ شباط سنه ۳۳۱ تاریخنده حکم اولندیغندن عبارت بولمشدر .

محکوم علیهم مرقوموندن علی طرفندن ویریلان لایحه تمیزیده دخی مدعینک افاده معلله سیله متهملردن احمد ومراد ویونسک عطف جرم صورتیه واقع اولان اقرارلری اسباب ثبوتیه دن عد ایدیلوب مدافعه نهودندن دومبکجیلرک حسین و سلیمان و دامادلری علی اقدیلرک مدعی و متهملرک افاده لری خلافت اولارق بیان و اخبار کیفیت ایلش و زمان وقعه ده کندوسنک محل وقعه یه یارم ساعت مسافه سی بولنان حاجی محمدک قهوه خانه سنده اولدیغی ده ینه مدافعه شاهدلردن شکرچی حسن و عارف اوغلی محمدک بیان و شهادت ایلش بولدقلری و حقوق عمومیه نامنه برائی طلب اولمش اولدینی حالده مجرمیتی جهتنه کیدلریکنه و مدعینک سن حقیقسنک تدقیق ایدلمدیکنه و مدافعه وکیلینک مدافعاتنک اسباب موجب قانونیه سنک یکان یکان مجرمیت قرارنده کوسترلدیکنه دائر سرد اعتراض اوله رق اعلام کندوسنه عاند جهت حکمیه سنک نقضی استدعا اولمشدر .

ذکر اولنان تبلیغنامه ده دخی مذکور تمیز لایحه سنده مدعینک افاده معلله سنک اسباب ثبوتیه دن عد ایلدیکندن و متهملردن احمد ومراد ویونسک عطف جرمندن غیریه علیه دلیل موجود اولدینی حالده حکومیتی جهتنه کیدلریکندن وسائرردن بخله درمیان اولنان اعتراضات مجرمیت قرارنامه سنده کوستریلان اسباب موجبیه نظراً غیروارد بولمش و متهملرک صورت جریان محاکمه سیله جهت تطبیقه سی حقیقه برکونه اعتراضه محل کوریه مامش اولدینی بیانیله اعلام مذکورک تصدیق طلب اولمشدر . اوراق دعوانک مطالعه سندن صوکره تدقیقات تمیز اجرا اولندقدده مشکی عزتک اوچوز اون آلتی سنه سنده متولد اولدینی اوراق

میاننده بولنان نفوس تذکره سندن اکلاشلسمنه و جریمه اوچوز اوتوز بر سنه سی آغستوسنده وقوع بولسنة نظراً جریمه حین ایقاعنده مفعول مرقومک اون بش یاشی اکیمال ایدوب ایتدیکنک تعینی ایچون اوچوز اون الی سنه سنک هانکی آینده تولد ایلدیکی تدقیق ایدلک و جریمه جبر مادییه مقارن اوله رق ایقاع ایدلکینک اسباب و دلائلی قرار مجریمته ذکر و توضیح قلمیق مقتضی ایکن ذهول ایدلمسی مستلزم نقض کوردلکینک اصول محاکمات جزائییه قانوننک اوچوز اون دردنجی ماده سنه توفیقاً اعلام مذکورک نقضه و احکام قانونیه دائره سنده ایفای معامله اولنق اوزره اوراقلک محله اعاده سنه و ایکوز غروش نقض خرجنک ایلروده حقسنر چیقه جق طرفندن تحصیلنه ۲۲ مارت سنه ۲۳۳۳ تاریخنده متفقاً قرار ویرلدی .

محکمہ تمیز جزا دائره سنده صادر اولده ۳۰ مارت ۳۳۳۲ تاریخنی ۳۵۹ نومرولی اعلام صورتنیر :
« مجریمت قرارله طیب راپورلری مندرجاق پیننده موافقت بولمه مدینی حالد راپورلر
نظر تدقیقه آلهرق تعمیق وتوسیع تحقیقات ایدلک لازمدر . »

خداوندکار ولایتی استیناف محکمه سی جزا دائره سندن صادر اولان ۸ جمادی الاول ۱۳۳۴ و ۲۸ شباط ۳۳۱ تاریخلی و بشیوز طقسان دوت نومرولی اعلام ایله اوراق متفرعه سی باش مدعی عمومیلک مأموریت علیه سندن ۵ جمادی الآخر ۳۳۴ و ۲۶ مارت ۳۳۲ تاریخلی و ایکوز اوتوز نومرولی تبلیغنامه ایله ۲۶ مارت ۳۳۲ تاریخنده محکمه تمیز جزا دائره سنه اعطا قلمشدر .

اعلام مذکورک خلاصه مالی اوچوز اوتوز بر سنه مالیسنک بکرمنجی کیجه سی بروسه نک علاءالدین محله سندن متوفی بکر اوغلی کبابچی دلی محمدی ضرب ایدرک صول کوزینک تعطیلنه سببیت ویردیکی ادا قلمسندن دولایی جنایتله اتهام اولنان ریحان پاشا محله سندن علی بک اوغلی طوغرامه جی احمد اوسته نک اجرا قلنان محاکمه علیه سی نتیجه سنده متهم مرقومک تعطیل عضو فعلنه جرأتی ثابت اولدیغندن مجریمته وقانون جزانک یوزتمشیدنجی ماده سنه توفیقاً اوچ سنه مدته کورکه قونلسنه ۲۳ کانون ثانی ۳۳۱ تاریخنده حکم اولندیغندن عبارتدر .

ذکر اولنان تبلیغنامه ده دخی منازعه یه اتده یحاق اولدینی حالد صوقولماید یقارم دیرک مشتکی دلی محمدک سببیت ویردیکی حصر ادعای مؤید جمله شهادتدن اولسنه نظراً اشبوشهادتک جریمه اسباب مخففه سی تقدیرییه استنادی نقطه نظرندن موضوع بحث و تدقیق ایدیلرک اکا کوره اسباب موجه اراشه سی لزومندن ذهول ایدلمسی مستلزم نقض اسبابدن بولنش اولدیغندن بختله حکم مذکورک نقضی طلب اولنمشدر .

اوراق دعوی بعدالمطالعه تدقیقات تمیزیه اجرا اولندقدقه متهمک محمدی صوبا ایله ضرب و جرح ایدرک صول کوزینی رؤیتدن محروم ایلش اولسندن دولایی مجریمته قرار ویش ایسه ده متعدد معاینه راپورلرینه نظراً مجروح مرقومک بر آلت قاطعه ایله و حواقیسی منتظم بر جرح ایله مجروح و بالنتیجه کوزینک معطل

اولدینی اکلاشلمش و بصورتله قرار مذکور ایله راپورلر بیتنده مبنایت کورلمش اولدیغندن مذکور راپورلر نظر تدقیقه آلهرق ولدی الحاحه تعمیق وتوسیع تحقیقات اوله رق جریمه متهم طرفندن نه صورتله ایقاع ایدلکینک هر کونه شک و ترددن عاری اولق صورتله ظاهره اخراجی لزومندن ذهول اولنسی مستلزم نقض احوالندن اولمغه اعلام مذکورک اصول محاکمات جزائییه قانوننک اوچوز اون دردنجی ماده سنه توفیقاً نقضه و احکام قانونیه دائره سنده ایفای معامله اولنق اوزره اوراقلک محله اعاده سنه و ایکوز غروش اعلام خرجنک ایلروده حقسنر چیقه جق طرفندن تحصیلنه ۲۷ مارت ۱۳۳۲ تاریخنده متفقاً قرار ویرلدی .

محکمہ تمیز جزا دائره سنده صادر اولده ۳۰ مارت ۳۳۳۲ تاریخنی ۳۹۵ نومرولی اعلام صورتنیر :
« اعلامک مستند الیهی اولان محاکمه ضبطنامه سنک اکثر اقسامی هیئت حاکمه دن برینک امضاسندن عاری اولدیغنه کوره شو حال مذکور ضبطنامه نک صوکرادن تنظیم قیلدیغنه دلالت ایتکله مخالف قانون و مستلزم نقضدر . »

صادوخان سنجانی بدایت محکمه سی جزا دائره سندن صادر اولان ۲ جمادی الآخر ۱۳۳۴ و ۲۳ شباط ۳۳۲ تاریخلی و یوز آلتش نومرولی اعلام ایله اوراق متفرعه سی باش مدعی عمومیلک مأموریت علیه سنک ۳ جمادی الآخر ۳۳۴ و ۲۴ مارت ۳۳۲ تاریخلی و ایکوز بش نومرولی تبلیغنامه سیله ۲۴ مارت ۳۳۲ تاریخنده محکمه تمیز جزا دائره سنه تودیع قلمشدر .

اعلام مذکورک خلاصه مالی قصبه نک اوشار قریه سندن ملا محمد اوغلی صادق جبراً فعل شنیع اجرا ایلدیکی ادعاسیله جنایتله اتهام اولنان قضاء مذکورک حمیدیه محله سنده قریلی احمد اوغلی ادهمک اجرا قلنان محاکمه سی نتیجه سنده متهم مرقومک اون بریاشنده بولنان مرقوم صادق جبراً فعل شنیع اجرا سنه تشبث ایدوب اسباب مانعه نک حیلولتیه فعله حیقاره مدینی ثابت اولمغه اولوجهله فاعلیته وقانون جزانک قرق آلتنجی و یوز طقسان یدنجی ماده لری احکامنه توفیقاً تعیین اولنان اوچ سنه کورک جزاسنک نصفنک تنزیله بریجی سنه مدته کورکه قونلسنه و حین ایقاع جریمه اون سکر یاشی اکیمال ایتامش اولسی جهته قرقجی ماده قانونیه موجبجه مذکور کورک جزاسنک نصفی اولان طقوز آی مدته حبسه تحویلنه و بش سنه ده ضبطیه نظارتی آلتنه آلتسنه ۳۳ کانون اول ۳۳۰ تاریخنده حکم اولندیغندن عبارتدر .

اوراق دعوانک مطالعه سندن صوکره تدقیقات تمیزیه لدی الاجرا ذکر اولنان تبلیغنامه ده دخی بیان اولدینی وجهله اعلامک مستند الیهی اولان محاکمه ضبطنامه سنک اکثر اقسامی هیئت حاکمه دن لئون افندینک امضاسندن عاری کورلمش و شو حال مذکور ضبطنامه نک صوکره دن تنظیم قلدیغنه دلالت ایتکله مخالف قانون و مستلزم نقض بولنش اولدینی کی متهمک فعل شنیع جبری تشبثک فاعلی اولدینی تحت قراره آلتش ایکن ۱۹۷ نجی و قرق آلتنجی ماده لری احکامنه توفیقاً تحدید جزاسی جهته کیدیلوب ۱۹۸ نجی ماده ذیلنک

نظر ملاحظه به آئینامه دخی مخالف قانون اولدیغندن اصول محاکمات جزائییه قانوننک اوچیوز اون دردنجی ماده سنه توفیقاً اعلام مذکورک نقضه واحکام قانونیه دائره سنده ایفای معامله اولمق اوزره اوراقلک محله اعاده سنه وایکیوز غروش نقض خرجنک ایلروده حقسز چیه جق طرفدن تحصیلنه ۲۶ مارت ۳۳۲ تاریخنده متفقاً قرار ویرلدی .

قانون عدلیه

ذی الیدلکه دائر

مجله نك بیک یدیوز الی دردنجی ماده سی موجبنجه عقار منازع فیه ذی الیدلک بالینه اثبات ایدلک لازم کلیر تصادق طرفین ایله یعنی مدعینک دعواسی اوزرینه مدعی علیه اقراریه کندیسینک ذی الید اولدیغنه حکم اولماز چونکه عقارده ید مشاهد اولمادیغندن احتمالکه عقار مدعی به مدعی ایله مدعی علیه مدعی علیه برکسه نك یدنده اولدیغی حالده طرفین عقار مذکوریه اله کچورمک ایچون بری مدعی و دیگر مدعی علیه اولمق اوزره بینلرنده مواضعه صورتیه بر دعوی ترتیب و مدعی علیه کندیس ذی الید اولدیغنی خلاف واقع اولمق اقرار و فقط عقارک ملکی حقنده مدعینک ادعاسی انکار ایتسی اوزرینه مدعی شهود کاذبه اقامه سیله ظاهراً اثبات مدعی ایلر و یاخود مدعی علیه مدعینک عقارک ملکی حقنده کی ادعاسی دخی اقرار ایدر وشوایی صورتنده تحقیقات عمیقہ اجراسنه امکان قالمق سزین ساخته مدعی عقارک ملکیتی حقنده بر حکم استحصال ایلر و سوکره مدعی ایله مدعی علیه عقار مذکوریه بینلرنده تقسیم ایدرلر . اما ذی الیدلک بالینه ثبوتی شرطی قبول اولدیغنی کی بومثلاً ساخته بر دعوی اقامه سی مشکل اولور و هر حالده بر عقار حقنده دعوی اقامه سی و حکم استحصال تحقیقات عمیقہ اجراسنه محتاج اولمق تزویراتک اوکی النمش بولور . بواساسی تأیید ایچون عقارک طرفیندن برینک یدنده اولدیغنه شهادت ایدن کس سنه لره حاکم مرقومک یدی حقنده کی شهادتلی سماعه و یاخود معاینه یه مبتنی اولوب اولدیغنی سؤاله مجبور طوتلشدر . زیرا بعض کره شاهدلر عقار مدعی به کندی یدنده اولدیغنی مدعی و یاخود مدعی علیه ایشتمش اولدقلرینه بناءً بوجهله ایفای شهادت ایتلرینه مساع و اردر ظن ایدرلر بویه بر یا کلشله محل قالمق ایچون حاکم آنلری ایقظ ایدر حتی شهودک ذی الیدکیم اولدیغنه دائر وقوع بولان شهادتلی ختام بولدقن سوکره حاکم طرفندن واقع اولان سؤال اوزرینه مشهود علیه مرقوملرک عدل و مقبول الشهاده اولدقلرینی اقرار ایتش اولسه بیله حاکم شهود مرقومه یی رأساً تزکیه سریه و علیه یه تابع طوتار . مذکور ماده نك ایکنجی فقره سنده لکن مدعی بن شوعقاری سندن اشترا ایتش ایدم و یاخود سن آنی بندن غصب ایتش ایدک دیه رک اقامه دعوی ایتدیکی تقدیرده مدعی علیه ذی الید اولدیغنی بالینه اثباته حاجت اولدیغنی و بوسورتلرده تصادق طرفین کفایت ایده چکی بیان اولتیور . بوندن مراد عقارده یدک بالینه ثبوتی لزومی ملک مطلق دعواسی اقامه سنه مخصوص

اولدینگی واما غصب و شراکی بر سبیدن طولانی بر عقار دعواسی اقامه اولدینگی تقدیرده بونده طرفینک تصادق کافی اولوب بینه به احتیاج اولدینگی بیاندر چونکه فعل دعواسی ذی الید علیهنده اقامه اولنق جائز اولدینگی کی ذی الیدک غیرسی علیهنده اقامه اولنق دخی جائزدر زیرا دعوا ی مذکوره تملیک و تملک متدار اولوب بومثللو تملیک و تملک ذی الید طرفندن واقع اوله جنی کی ذی الیدک غیریلری طرفندن دخی واقع اوله بیلر ایمدی بوبابده یدک عدم ثبوتی دعوانک صحتنه مانع ذکدر. اما ملک مطلق دعواسی مدعی علیک یدینک ازاله سیله ترك تعرض ایلمسی طلبندن عبارت ویدک ازاله سی طلبیده صاحب یدک غیرسی علیهنده اولنق غیرمتصور بولندیندن مواضعه احتماله بناء وضع یدی اثبات ایچون بینه به حاجت مس ایدر. برکسنه برقطعه ارضیه یی غصب ایدرک انده اجرای زراعت ایتدکن صوکره دیگر برکسنه جیقوب اراضی مذکوره کندی ملکی اولدی حالده اوکسنه طرفندن غصب اولدینگی ادعا ایتدیکی تقدیرده اگر شخص مزبورک اراضی مذکوره یی غصب واوزرنده احداث ید ایلدیکی بالینه اثبات ایلر ایسه مدعی مرقوم ذی الید و اجرای زراعت ایدن کسنه خارج اولور فقط مرقومک احداث ید ایلدیکی اثبات ایده مزایسه اجرای زراعت ایدن شخص ذی الید و مدعی خارج عد اولنور و الحاصل برکسنه بر عقارده احداث ید ایتکله ذی الید صایلماز. عقارده ذی الیدک خصوصنک اثباتی غایت مشکدر مع ذلک مجله ده بوکادائر بعض قواعد میندر. شوبله که ذی الید کیم اولدینگی کرک مدعی و کرک مدعی علیه منفرداً بالینه اثباته مقتدر اولدقلری کی مدعی ایله مدعی علیهمدن هریکیسی ده کندینک ذی الید اولدقلری ادعا ایلدکلی تقدیرده ایکسندن ده ادعالینه موافق بینه طلب اولنور ایکسیده ذی الید اولدقلرینه دائر بینه اقامه ایتدکلی صورتده ایکسندن ده بالاشترک ذی الید اولدقلری ثابت اولور. طرفیندن برینک وضع یدی اثباتدن عجزی تین ایتدیکی و دیگری واضع الید اولدینغه دائر اقامه بینه ایلدیکی حالده آنک ذی الید اولدینغه حکم اولنوب دیگری خارج عد و ذی الیده قارشو وقوعبولان تعرضی ترك ایلمسی کندینسه امر اولنور. شوقدرکه اشبو خارج اولان شخص بوا مرایله مقضی علیه اولماز حتی بوندن صوکره عقار مذکور کندی ملکی اولدینغه دائر اقامه بینه ایده جک اولور ایسه عقار کندینک اولدینغه حکم اولنور. اگر خصمیندن هیچ بری ذی الید اولدینگی اثبات ایده مزایسه بونلردن هر بری دیگرک طلبیله خصمنک ذی الید اولدینغه دائر تحلیف اولنور اگر ایکسی ده یمیندن نکول ایدرلر ایسه ایکسندن ده عقار منازع فیهده بالاشترک ذی الید اولدقلری ثابت اولور فقط بری یمیندن نکول ایدوب دیگری یمین ایلر ایسه یمین ایدن طرفک اشبو عقارده مستقلاً واضع الید اولدینغه و دیگرینک خارج بولندینغه حکم اولنور. اگر متداعینک ایکسی ده یمین ایده جک اولور ایسه مرقومانک ایکسی ده ذی الید عد اولنماز و حقیقت حالک ظهورینه دکن عقار حالی اوزره توقیف اولنور. صوکره دن هانکی طرف شاهد اقامه ایده جک اولور ایسه مانع قانونی اولدینگی حالده شاهی استماع اولنور. وضع یدک بالینه ثبوتی لزومنک بعض محسناتی واریسه ده زمانمزه عقاره متعلق دعاوینک اکثریا قیود خاقانیه به مستنداً حل ایدلمکده اولسنه نظراً محسنات مذکوره

لاشی حکمنده قالمش اولمغه برابر کیفیت مذکوره بر جوق دعاوینک ا کمال رؤیته مانع اولمقده اولدینگی و علی الخصوص اکثر حکام ملک مطلق و غصب و عقد دعاوینگی لایقيله تفریق ایده میهرک هر خصوصده ذی الیدلک بالینه اثباتی جهتی الام ایتکده اولدقلرینه بناء عقاره متعلق دعاوینک سنه لرحه سور و نجمه ده قالدینگی بالتجربه ثابت اولمشدر. حالو که مجله نک مذکور بیک یدیوز الی دردنجی ماده سنده مین اولان اشبو قاعده امامین قولنه مستند اولوب امام محمدایله ائمه ثلاثه اشبو قوله مخالف اوله رق عقارده ذی الیدلکک تصادق طرفین ایله ثبوتنه قائلدرلر. نادراً وقوعه کلدیکی اوزره عقار مدعی به بر شخص ثالث یدنده اولدینگی حالده ایکی کسنه عقار مذکوری اله کچورمک ایچون بری مدعی و دیگری مدعی علیه اولنق اوزره بینلرنده مواضعه صورتیله بر دعوی ترتیب و مدعی علیه کندی ذی الید اولدینگی خلاف حقیقت اوله رق اقرار و بالاخره ملک جهتی ثابت اوله رق عقار مذکورک مدعینک ملکی اولدینغه حکم اوله جق اولور ایسه اشبو حکمک متصرف حقیقی اولان شخص تالک قارشو حکمی اولیه جنی قاعده فقهیه اقتضاسندن اولمغه برابر اعتراض الغیر طریق دخی کشاده دره. بناء علیه مجله قومسیون عالینجه تبعات لازمه اجرا اوله رق ماده مذکوره نک امام محمد قولنه توفیقاً تعدیل اولنه جنی مأمولدر.

محکمه تمیز رئیس اولی

عنان

